

40
ASSERTIONES JURIDICÆ
DE
IVRISDICTIONE

QV AS
EX DECRETO ET AVTORITATE AM-
PLISSIMI ICTORVM ORDINIS IN
ILLVSTRI IVLIA

PRAESIDE

AMPLISSIMO ET CONSULTISSIMO VIRO
DN. HENRICO BINNIO, ICTO
PROFESS. INSTITUT. ET JURIS CRI-
MINAL. ORDIN. FACVLT. IVRID. HODIE
DECANO ET DICASTRII GVELPHICI
ASSESSORE, PAVTORE SVO ÆTA-
TEM COLENDO

PRO LICENTIA

SVMPOS IN VTROQVE IVRE HO-
NORES AC PRIVILEGIA DOCTORALIA
CONSEQUENDI

PUBLICAE CENSURAE SVBMITTIT
GODOFREDUS FURMANNUS
IVR. PRACTICVS.

AD DIEM XX. IX. M. MARTII
IN IVLEO MAIORI
HORIS ANTE ET POMERIDIANIS

CC) 0 (30

HELMÆSTADII,

Typis HENNINGI MULLERI Acad. Typogr.

ANNO MDCCCXXI.

REVISED EDITION
OF
THE
LAW
OF
THE
STATE
OF
NEW
YORK

AS AMENDED BY
THE
LEGISLATURE
IN
1892

BY
JAMES C. CLARK

NEW YORK
PUBLISHED BY
THE
LEGISLATIVE
COUNCIL

1892

PRINTED BY
THE
LEGISLATIVE
COUNCIL

NEW YORK

1892

THE
LEGISLATIVE
COUNCIL

NEW YORK

1892

THE
LEGISLATIVE
COUNCIL

NEW YORK

1892

THE
LEGISLATIVE
COUNCIL

NEW YORK



Nobilem Jurisdictionis materiam operosius hinc jam ferre laudibus, necesse minimè arbitror: quippe cum excellentiam ejus difficultas, dignitatem utilitas commendet. Quæ causa fuit, quod magnorum semper Jureconsultorum personæ, quarum doctrina & eruditio ignorantiam vulgi supergressa, antiquitus simulac nostris temporibus in hujus argumenti genere desudarint. Quod uti accuratè ab illis, commodeq; satis instructum, ita uberius in præsentī potuisse edisseri, multaque me omisisse, quæ dici poterant, lubens profiteor. Enimverò non mihi stat, omnia juxta meditatū enumerare ordinem, sed liberrimā festinantis calami scriptiōe pauca hinc attingere. Mihi propositum haud aliud nunc fuit, quàm consuetudini Academicæ hujus dissertationis periculo satisfecisse.

THESIS I.



Vnam, nec limitaram in cives ac subditos potestatem Majestatem appellare est moris, eâque non tantum Principem Romanum, sed unumquemque Regem, unamquamq; Rempublicam, ab obsequio imperij alterius alienam, quantumvis exiguam, gaudere, res aded publicæ veritatis est, ut neminem ferè hodie reperiri existimem, qui vocet indubium..

II.

Ex majestate, tanquam fonte, jurisdictionem omnem originem trahere, ab eâque magistratum instar. lunæ, lumen à sole mutuantis, opes accipere mutuas, cum reposcantur reddendæ, certius est, quàm ut probatione indigeat: quippe quæ una ipsa ac eadem jurisdictionis tribuendæ ejusdemque Præsides conficiendi, tollendique viribus pollet..

III.

Majestas Romana utrâ aliàs singulorum, alias primorum, aut populi arbitrio composuit subjectos, diversosque habitus ac vultus ludente in rerum humanarum flexu seculorum genio sortita, ita magistratuum indeque jurisdictionis Romanæ non simplex semper facies extitit, sed varia, pro translatione videlicet gubernaculi ac officiorum..

IV. Con-

IV.

Consules Romani in libero regiminis statu ac inter initia potentiae singularis temperandae gerendaeque publicae Rei destinati imprimis videbantur: constituta autem Imperatorum fortuna, senatusque auctoritate in submissam ipsorum adulationem progressa, praeter voluntariam jurisdictionem ac honorem Fastis nomina imponendi specioso illi quidem, sed collabefacto à principibus titulo, pauca addidum superfuerunt.

V.

Prætores sub Optimatum, ac aliquandiu adhuc sub soluti Regni potentatu non tantum civiles controversias, sed etiam quasdam criminales distrahendi, annuaeque edendi edicta retinebant libertatem: quæ rimari malle quam revereri quanquam seculi illius crimen erat, à gradu tamen, in quem promoti fuerant, posterius depulsi, umbram saltem haud pertinacis felicitatis servarunt, ita ut secutis temporibus nudum tantum non atque inane inclinatae dignitatis verbum maneret, senescensque honor converteretur in onus, ludis edendis nuncupatum, dicatumque.

VI.

Jurisdictio Iustinianea, si intra genuinam significationem respiciatur, rectè definitur per notionem (a) quæ jure magistratus competit: quanquam in sensu latiori accepta, quo extraordinaria & de-

criminibus cognitio in appellationem ipsius concessit, non malè sequens adumbratio, quod nimirum sit notio magistratui competens, in decisione quæstionis, an jus sit, nec ne, consistens, eidem quadrare possit.

(a) l. 99. ff. de verb. sign. l. 5. pr. ff. de re jud.

VII.

Jurisdictionem vocabulo potestatis ritè definiri, & pernegant non pauci, à & nobis non probatur, cum Logicæ præcepta prohibeant genus remotum speciebus imponere.

IIIX.

Notio, quæ in civilibus, privatisque causis versatur, non tamen omnibus, sed ijs tantùm, de quibus citra specialem permissionem ex hac solà ratione, quod ad magistratus ordinarij sortem subiectus, cognoscendi, statuendiq; veniam quis accepit, jure magistratus competere dicitur, ac jurisdictio vocari adsolet: (a) Quæ verò criminalium rerum, earumque civilium indagationi insistit, de quibus vel præter ordinem certi delecti, vel ipsi etiam regulares tribunalium moderatores, non tamen injuncti muneris admonitu, verùm ex peculiari Legis indulgentiâ constituunt, ei jurisdictionis propriè dictæ significatum non convenire, juris Iustiniani testatiori memoriâ satis superq; corroboratum. (b)

(a) l. 1. ff. de off. ejus. (b) d. l. 1. & l. 6. §. 2. ff. de tutel.

l. 1. &

l. 1. §. 1. ff. de reb. cor. qui sub tut. vel curâ sunt, l. 2. §. 1. ff. de off. ejus, l. 8. in pr. §. 1. junct. §. 18. ff. de transact.
IX.

Notionem domestico magistratus jure quæsitam mandari posse (a) nihil sanè dubitandum est: quæ verò lege, senatusconsulto, vel constitutione Principis speciatim obligit, eam alterius operâ expediri (nisi jure quo singulari (b) delegatio sustineatur) aut creditâ jurisdictione transferri, Iustitiani placita resistunt. (c)

(a) *l. 1. ff. de off. ejus.* (b) *l. 13. §. pen. ff. de off. procons.* (c) *d. l. 1.*

X.

Mixtum imperium, quod jurisdictioni cohereret, mandari potest, (a) delatâque jurisdictione discedentem prosequitur, (b) judicij autem publicij exercitium, merumque imperium, uti magistratus officio non tribuitur, sed peculiari legis præsidio, ita commendari nequit, nec delegatâ jurisdictione transmittitur: (c) quanquam ut ex causis justæ absentiae, (d) infirmitatis, similibusque (e) alteri committatur, jus Cæsareum antiquius juxta ac posterius, hodieque non rarò per alium absolvatur, nostrorum temporum secta patiat. -

(a) *l. pen. §. 1. ff. de off. ejus.* (b) *l. 1. §. 1. l. fin. §. 1. d. t.* (c) *l. 1. d. t. l. 6. pr. ff. de off. procons.* (d) *l. 1. pr. ff. de off. ejus* (e) *Const. Crim. Carol. V, art. 2.*

XI. T u-

XL

Tutoris datio, etsi ius dicentis officio sit copulata, (a) & à magistratu non nisi pro iurisdictione peragatur, (b) ejus tamen functionem alteri dari (nisi hæc separatim copia fuerit (c) permessa) aut delegatâ iurisdictione trajici (d) vix ac ne vix quidem affirmabit, qui non vi iurisdictionis, sed specialioris concessus huic conferri cogitaverit, quem juris condendi fastigium tenentes istas partes obire nominatim præcipiunt. (e)

(a) l. 1. ff. de iurisd. (b) §. 4. 5. Inst. de Attil. tut. (c) l. 13. & pen. ff. de off. procons. l. 1. §. 1. ff. de tut. dat. ab his. (d) l. 8. pr. ff. de tut. dat. ab his. (e) l. 6. §. 2. ff. de tutel.

XII.

Divisionem iurisdictionis in propriam & mandatam esse generis æquivoci, non univoci, nec eò valere, ut species subjectas peræquè sibi vindicet, sed ipsam iurisdictionem in membri prioris, ejus saltem usuram in posterioris venire complexum, superiora vel leviter intuenti indicio erunt.

XIII.

Mandatâ iurisdictione qui fungitur, alienam tuc-
tur, (a) nec potis est per alium eam procurare, (b) à principe autem profectam qui suscipit, etsi alterius vicem gerat, in propria tamen non alienâ radicatur, eamque alteri sufficere committere non prohibetur.

(a) l. 1. §. 1. & l. 3. ff. de off. ejus. (b) l. 1. id. pr. d. l. 1. §. ff. de iurisd.

XIV. lu.

XIV.

Jurisdiclio mandata, si qui mandavit, eam revocet, aut moriatur, causâ ad huc integrâ, (a) regulariter finitur, cum persona quæ repræsentetur, deficiat, sed si, postquam negotium geri coëptum, decesserit, ibi, ubi inchoatum, explicetur. (b)

(a) l. 6. ff. de jurisd. §. 9. Inst. de mand. (b) d. l. 6. l. 30. & 49. §. 1. ff. de jud.

XV.

Contra ea etsi mandatum jurisdictionis, morte mandantis interveniente, si eam mandatarius ignoraverit (a) vires suas adhuc obtineat; morte tamen mandatarij, (b) cujus fides electa, aut si magistratus officium deponat, vel sententiâ dictâ, factâque rei conceditæ executione (c) expirat.

(a) l. 26. in pr. & §. 1. ff. mand. (b) §. 10. Inst. de mand. c. 42. X. de offic. & potest. jud. deleg. (c) c. 9. X. de off. & potest. jud. deleg.

XVI.

Jurisdiclio autem propria tam novo successore constituto, (a) quàm ejus, qui eam exercet, & cui à summo principe est data, non tamen concedentis (b) morte finem sortitur, quanquam, si patrimonij jure obvenierit, in hæredem transeat.

(a) l. 10. ff. de off. procons. & l. un. ff. de off. præf. August. (b) c. 2. de off. leg. in 6.

Majestati Romanæ, cum in magistratum ordine non conspiceretur, sed culmine suo supra illorum nomen se levaret altissimè, nec tralatitio eorundem more de proleterijs quibusque causis cognoscere, sed publicis curis cum maximè vacans, in commune, ne quid populo olim accidat secus, consulere amaret, ad hæc, decernendo legibus potius ferendis, quàm juri dicendo incumberet, (a) jurisdictio verè dicta, quæ judiciorum præfectis jure ordinario admoveretur, nec fanciendo, sed reddendo civico juri ex Legibus latis occupata, videtur defuisse: quæ tamen majestatem radicaliter ac virtualiter, magistratum autem formaliter insedisse, ex adverso non absurdè dicitur.

(a) *l. ult. pr. C. de leg.*

XIIII.

Legati proconsulum jurisdictione propriâ quidem (a) sed non ita indulgente utebantur, ut illorum injussu eam exercere manum haberent expeditam; (b) quorum tamen mandato jurisdictionem suscitata magis quàm ipsis datam verè condere posse videor.

(a) *l. 4. ff. de off. ejus. l. 13. ff. de off. procons.* (b) *d. l. 13.*

XIX. Iudi-

XIX.

Iudices à magistratu dati, seu pedanei, cum facti tantum, quod gestum narrabatur, veritatem specularentur, neq; minus ex suo sensu litigantiū questiones dirimere, quàm à jure illo, quod à magistratu præscriptum acceperant ante, recedere sustinerent, facile est intelligere, cur jurisdictione æquè ut mixto imperio exciderint (a) iudicem autem à principe datum jurisdictionis, eaque propter ipsius imperij exercitio (b) contendere ausum cum eo, cui à magistratu jurisdictio demandata.

(a) *l. 15. pr. ff. de re jud. l. 5. pr. d. t. & l. ult. C. ubi & ap. quem.* (b) *l. un. C. qui pro sua. l. 5. C. de jud. l. 3. ff. de jurisd.*

XX.

Jurisdictio ex more loquendi interpretibus quibusdam familiari in legitimâ potestate de qualibet re statuendi, & statuti faciendi ponitur, ac in tres species, nempe in Imperium merum, mixtum, ac jurisdictionem simplicem, seu in specie sic dictam, distinguitur: quam quidem descriptionem ac divisionem, cum longiori usu custodita, haud temerè ineptam, sed, cum veritatem Legum Iustinianearum ante auctoritates habeamus, illarum tamen argumentis defectam dixerim.

Potestas à jurisdictione separata, & ad animadvertendum in facinorosos Lege data atque definita in jure Iustiniano meri imperij cognomento audit: [a] quamvis qui diversi hinc abeuntes, non nudam tantum exequendi potentiam, sed ipsam etiam notionem, seu jurisdictionem criminalem, in meri imperij nomen cadere, autumant, solennis seculo nostro, instituti suffragio nitantur.

[a] l. 3. ff. de jurisd.

Jurisdictio criminalis etsi aliâ quavis re citius quam tutelâ imperii alicujus conjuncti carere queat (qui enim criminum cognitioni quis sufficere possit, si ipsi reos annotandi, eosque in vincula publica conjiciendi, ac cætera negotii hujus jubendi imperio interdicatur?) tantum tamen abest, ut meri imperij patrociniū perinde requirat, ut etiam fieri possibile sit, alterum cognoscendi, alterum animadvertendi jure uti; (a) contra contingit, ut illi eidem, cui jurisdictio criminalis collocatur, pœnæ summæ insit autoritas. (b)

(a) §. 1. 2. 10. 11. *Inst. de susp. tut. l. 1. §. 3. 8. ff. cod.*
(b) l. 1. §. ult. ff. de pan. *sup. §. ult. ff. de pan. l. 1. §. 3. 8. ff. cod.*
XXIII.

Meri imperij vim non ultimam tantum sceleratorum, aut aliam corporalem, quam Respublica pro modo admissi delicti desiderat, ultionem imperare, sed etiam ad questionem, (a) relegationem, coercitationemque interdum pecuniariam, criminis, quo compellari conciderint, intuitu, infligant (b) porrigere cursum, atque ad eos fontium cadavera insequi, (c) voluere illi, qui leges Romanas condiderunt,

(a) l. 8. ff. de quest. (b) l. 4. ff. de interd. & re-
leg. (c) l. 1. ff. de cada. punit.
XXIV.

Mero imperio olim concessio, ejus tantummodò usus, non ipsum imperium ad vicarios pervenit:
(a) de quo idem, provinciis ac pagis, quibus gubernandis præpositi erant Purpurati, Imperatorum rerum suarum non ita studiosorum liberalitate in Principatus commutatis, illorumque fortunâ in sobolem transmissâ, ex eoque tempore qui opor-
B 3 nantur

nantur, iuris quidem Iustiniani scientiâ sapere satis,
sed cum monumentis, quæ historiâ temporum
vulgarunt, haud frequenter collocutos, cur asse-
rere verear, non capio.

(a) l. 1. pr. ff. de off. ejus.

XXV.

Iurisdictionem enim Germanorum, ætati no-
stræ propriam, ad præcepta Romana veterisque
Germanicæ qui exigunt, hi erunt ferè, qui miserius
eam implicant, quàm explicant, ac quos non du-
rius quàm literatum Romanarum, Germanicarum
que expertes accusari oportet.

XXVI.

Mixtum imperium est potestas, cui iurisdic-
tio inest (a) & quæ jure magistratus proprio, eodem
atque ingenito competit.

(a) l. 3. ff. de jurisd. l. 1. §. ult. ff. de off. ejus.

XXVII.

Iurisdic-
tio simplex etsi imperij mixti auxilio in-
terdum non indigeat, (sicut, cum lege qui postu-
lantur, dicto audientes sunt magistratibus, nec il-
lis obistere conantur) ac formæ discrimine ab eo
sejun-

sejungatur, mutuo tamen objecti & subjecti
vinculo connectuntur: hoc tantum adjecto,
quod minores magistratus, quibus cum ijs, quæ
magis imperij, quàm jurisdictionis sunt, negotium
non est, (a) imperio, majori scilicet, destituti di-
cantur. (b)

(a) l. 26. ff. ad minic. (b) l. 32. ff. de injur.

XXIX.

Jurisdictio Germanorum patriæ celebrata terræ,
duplex est, Criminalis & Civilis, quarum hæc civi-
libus negotijs decidendis, illa criminalibus causis
cognoscendis, supplicijsque onerandis constituta.

XXIX.

Utraque, tam Criminalis, quàm Civilis, pro lo-
ci diversitate varias sortitur nominationes, varias-
que divisiones ac species admittit, quarum omnium
absoluta expositio, multis difficultatibus sanè quàm
involuta, mihi, qui minùs largiter nunc erogare
tempus, laborisque compendium facere institui,
non illis, disconvenit, quibus disputationem com-
ponentibus libelli figura non indecenter est in pre-
tio, ac similis in imitamento.

XXX.

Jurisdiclio Saxonica in duas præcipue species, altam, seu superiorem, & bassam, seu inferiorem, discernitur: illa omne ferè merum, & quædam quæ intra mixti imperij, hæc jurisdictionem simplicem itemque nonnulla quæ inter cùm meri, tum mixti imperij ambitum comparent, includit. (a)

(a) *Ord. prov. Sax. tit. was zu Ober- und Nieder Gerichte gehöret.*

Atque hæc quidem in præsentì notare magis, quàm demonstrare volui, quæ persequi ultra argumenti nobilitas pariter ac amplitudo postularent, sed mihi, recentem adventum abitione commutare jam cogitanti, per temporis angustiam longiori esse non licet.

F I N I S.

